

ÁKVÖRÐUN FRAMKVÆMDASTJÓRNARINNAR

um sameiginlegar verklagsreglur varðandi evrópskt tæknisamþykki(*)

(94/23/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Efnahagsbandalags Evrópu,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnslufyrirmælum aðildarríkjanna um byggingarvörur (1), einkum II. viðauka,

og að teknu tilliti til eftirfarandi:

Í 8. gr. áðurnefndrar tilskipunar er gert ráð fyrir því að veita megi evrópskt tæknisamþykki fyrir tilteknar vörur, meðal annars vörur sem ekki er til samræmdur staðall né landsstaðall fyrir og eins vörur sem víkja verulega frá samræmdum eða viðurkenndum landsstöðlum.

Það hefur verið ákveðið að taka upp sameiginlegar verklagsreglur um umsóknir, gerð og veitingu slíks samþykkis. Í II. viðauka áðurnefndrar tilskipunar er enn fremur ákveðið að sameiginlegar

verklagsreglur verði samþykktar af framkvæmdastjórninni á grundvelli álitsgerðar nefndarinnar í samræmi við 20. gr. tilskipunarinnar.

Nefndin sem gert er ráð fyrir í tilskipuninni afgreiddi þessar sameiginlegu reglur á fundi sínum 22. apríl 1993 í samræmi við settar starfsreglur í tilskipuninni.

ÁKVEÐIÐ EFTIRFARANDI:

Stök grein

Samkvæmt tilskipun 89/106/EBE skulu umsóknir um evrópskt tæknisamþykki og gerð og veiting á slíku samþykki fara fram í samræmi við sameiginlegar verklagsreglur sem koma fram í viðauka við þessa ákvörðun.

Gjört í Brussel 17. janúar 1994.

Fyrir hönd framkvæmdastjórnarinnar,

Martin BANGEMANN

framkvæmdastjóri

(*) Þessi EB-gerð, sem birtist í Stjtið. EB nr. L 17, 20. 1. 1994, bls. 34, var nefnd í ákvörðun sameiginlegu EES-nefndarinnar nr. 42/94 frá 15. desember 1994 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB nr. L 40, 11. 2. 1989, bls. 12.

VIÐAUKI

SAMEIGINLEGAR VERKLAGSREGLUR VARÐANDI UMSÓKNIR, GERÐ OG VEITINGU Á EVRÓPSKU TÆKNISAMÞYKKI

0. Inngangur

- 0.1. Þessar sameiginlegu reglur segja til um hvaða málsmeðferð skuli viðhöfð við umsóknir, gerð og veitingu evrópsks tæknisamþykkis samkvæmt 3. lið II. viðauka tilskipunar ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur⁽¹⁾, sem er nefnd hér á eftir „tilskipunin“.
- 0.2. EOTA eru heildarsamtök þeirra samþykktarstofa sem aðildarríki EB veita leyfi til að gefa út evrópskt tæknisamþykki samkvæmt tilskipuninni.

1. Almennar reglur

- 1.1. Skrifstofa EOTA færir skrá yfir veitingar á evrópsku tæknisamþykki. Skráin er birt opinberlega minnst einu sinni á ári.
- 1.2. Tækniráð EOTA skal skipa nauðsynlegar nefndir til að skipuleggja og samræma veitingu á evrópsku tæknisamþykki.
- 1.3. Samþykktarstofurnar birta opinberlega, hver á sínu tungumáli, yfirlit yfir veitingar á evrópsku tæknisamþykki.
- 1.4. Vandamálum sem koma upp í sambandi við tilskipunina og framkvæmdanefnd EOTA getur ekki leyst verður vísað til framkvæmdastjórnar Evrópubandalaganna (hér á eftir „framkvæmdastjórn EB“) til úrlausnar.

2. Reglur varðandi umsókn um evrópskt tæknisamþykki

- 2.1. Framleiðandi eða fulltrúi með staðfestu í bandalaginu, hér á eftir nefndur „umsækjandi“, getur sótt um evrópskt tæknisamþykki. Fulltrúinn verður að hafa sérstakt umboð frá framleiðanda til að koma fram fyrir hans hönd.
- 2.2. Umsókn skal senda þar til bærri EOTA-stofu á viðkomandi svæði; óleyfilegt er að senda umsókn um sömu vöru til fleiri en einnar stofu.
- 2.3. Við umsókn samkvæmt þessari reglu heimilar umsækjandi samþykktarstofunni, sem hann leitaði til, að greina framkvæmdastjórn EB, öðrum EOTA-stofum og skrifstofu EOTA frá efni umsóknarinnar.
- 2.4. Áður en umsækjandi leggur inn umsókn skal hann
 - ef hann óskar þess og hefur skilað inn þeim gögnum sem stofan fer fram á
 - fá upplýsingar um eftirfarandi:
 - hvernig samþykki er afgreitt,
 - hversu langan tíma stofan telur sig þurfa til að afgreiða umsókn fyrir tiltekna vöru,
 - hver sé áætlaður kostnaður við afgreiðslu umsóknar og hvernig beri að greiða hann.

⁽¹⁾ Stjútís. EB nr. L40, 11.2.1989.

Ef vörusviðið hefur ekki verið viðurkennt sem heppilegt fyrir evrópskt tæknisamþykki, eða ef varan víkur verulega frá samræmdum stöðlum eða viðurkenndum landsstöðlum, þá skulu ofangreindar upplýsingar aðeins veittar umsækjanda eftir að ákvörðun um möguleika á evrópsku tæknisamþykki hefur verið tekin samkvæmt málsmeðferðinni í lið 3.2.

Umsækjanda verður greint frá ákvörðuninni.

- 2.5. Umsókn skal lögð fram á stöðluðu eyðublaði (sjá 1. viðbæti) á tungumáli aðildarríkisins þar sem samþykktarstofan er, nema hún leyfi annað.
- 2.6. Umsókninni skal fylgja lýsing á byggingarvörðunni, skilgreiningar, teikningar og prófunarskýrslur með nákvæmri greinargerð um vöruna og til hvers á að nota hana.
- 2.7. Í umsókninni skal umsækjandi tilgreina alla framleiðslustaði. Hann verður að sjá til þess að samþykktarstofan eða fulltrúar hennar geti skoðað þá á vinnutíma með hliðsjón af veitingu evrópsks tæknisamþykkis.
- 2.8. Samþykktarstofan skal innan tveggja mánaða staðfesta móttöku umsóknar og staðfesta að afgreiðsla hefjist (sjá staðlað eyðublað í 2. viðbæti).

Ef umsókn er hafnað verður samþykktarstofa að rökstyðja það. Umsækjandi getur þá vísað málinu til annarrar samþykktarstofu.

- 2.9. Samþykktarstofa skal upplýsa umsækjanda um það hvaða skjöl, prófniðurstöður, útreikninga o.s.frv. hann þarf að leggja fram svo stofan getið metið hvort varan henti til áætlaðra nota.

Umsækjanda er skylt að útvega samþykktarstofunni nauðsynleg gögn og aðstoða hana við matið.

- 2.10. EOTA-stofur skulu gera nauðsynlegar ráðstafanir til að tryggja leynd viðkvæmra trúnaðarupplýsinga sem þær fá í hendur vegna starfs síns.
- 2.11. Umsækjandi verður að staðfesta, með bindandi hætti samkvæmt lögum, að hann muni greiða allan kostnað í tengslum við afgreiðslu umsóknar og vegna tilheyrandi fylgiskjala í samræmi við landslög.
- 2.12. Ef umsækjandi sinnir ekki skyldum sínum eins og segir í þessu skjali, þá getur samþykktarstofa ógilt umsókn eftir vissan tíma.

3. Reglur varðandi veitingu á evrópsku tæknisamþykki

- 3.0. Evrópska tæknisamþykkið varðar einungis þá eiginleika vöru sem tengjast grunnkröfunum í I. viðauka tilskipunarinnar og grunnskjölunum í 3. mgr. 3. gr. tilskipunarinnar. CE-merkingin snertir aðeins þessi atriði.

Ef aðrir eiginleikar eru metnir skal því mati haldið skýrt aðgreindu frá mati á grunnkröfum, eftir samkomulag milli meðlima EOTA. Slíkt mat er frjálst.

Uppsetning evrópsks tæknisamþykkis skal svara til „almennrar fyrirmyndar“ sem framkvæmdastjórn EB samþykkti.

- 3.1. Veiting evrópsks tæknisamþykkis á grundvelli viðmiðunarreglna um evrópskt tæknisamþykki (sbr. 1. mgr. 9. gr. tilskipunarinnar)
 - 3.1.1. Inntak og form evrópsks tæknisamþykkis skal samsvara viðeigandi viðmiðunarreglum um evrópskt tæknisamþykki.

3.1.2. Samþykktarstofan sem veitir evrópskt tæknisamþykki sendir það:

- öllum öðrum EOTA-stofum,
- aðalskrifstofunni og sendir hún afrit til framkvæmdastjórnar EB.

3.1.3. Á aðlögunartíma, sem EOTA ákveður fyrir sérhverjar viðmiðunarreglur um evrópskt tæknisamþykki til að tryggja að samþykki sé sambærilegt milli samþykktarstofa, er uppkast að evrópsku tæknisamþykki, ásamt fylgiskjölum (prófniðurstöðum), lagt fyrir viðkomandi EOTA-stofu til skoðunar⁽¹⁾.

3.1.4. Ef framkvæmdastjórn EB finnur, samkvæmt ákvæðum 1. mgr. 5. gr. tilskipunarinnar og eftir álitsgerð fastanefndarinnar, galla í veittu evrópsku tæknisamþykki sem á rætur í gölluðum viðmiðunarreglum um evrópskt tæknisamþykki, þá má samþykktarstofan ekki veita oftar evrópskt tæknisamþykki á grundvelli þeirra viðmiðunarreglna.

3.2. Veiting evrópsks tæknisamþykkis án þess að viðmiðunarreglur um evrópskt tæknisamþykki séu til (sbr. 2. mgr. 9. gr. tilskipunarinnar)

3.2.1. Inntak og form evrópsks tæknisamþykkis skal samsvara viðeigandi viðmiðunarreglum.

3.2.2. Samþykktarstofa, er fær fyrirspurn samkvæmt lið 2.4 eða umsókn um evrópskt tæknisamþykki fyrir vöru af tegund sem hefur ekki verið sótt um fyrir áður, skal fyrst ráðfæra sig við tækniráð EOTA um það hvort veita megi evrópskt tæknisamþykki fyrir þá vöru að öllu jöfnu og fylgja tiltekinni málsmeðferð við samræmismatið.

Ef samstaða næst innan tækniráðs EOTA um umsóknir samkvæmt a-lið 2. mgr. 8. gr. tilskipunarinnar eru nauðsynlegar upplýsingar, sem framkvæmdastjórn EB hefur óskað eftir, sendar með samþykki formanns EOTA til framkvæmdastjórnar EB til að fá leyfi til að veita evrópskt tæknisamþykki. Ef samstaða næst ekki innan tækniráðs EOTA er málinu vísað til framkvæmdanefndar sem ákveður hvort leggi skuli það fyrir framkvæmdastjórn EB.

Við umsóknir um evrópskt tæknisamþykki samkvæmt b-lið 2. mgr. 8. gr. tilskipunarinnar mun framkvæmdastjórn EB ákveða, á grundvelli mats EOTA og viðeigandi upplýsinga, hvort vara af tegund, sem samræmdir staðlar eða viðurkenndir landsstaðlar ná til, vikur verulega frá þeim og hvort veita megi evrópskt tæknisamþykki.

3.2.3. Ef samkomulag næst samkvæmt lið 3.2.2 skal samþykktarstofa sem fær umsókn ráðfæra sig við aðrar viðkomandi EOTA-stofur og gera grein fyrir því hvernig hún hyggst afgreiða umsóknina, meðal annars hvað snertir prófáætlun, kröfur um skil og hvernig samræmisvottun fer fram.

Samþykktarstofan skal taka tillit til athugasemda hinna EOTA-stofanna.

3.2.4. Ef umsókn um evrópskt tæknisamþykki er fyrir vöru af tegund sem málsmeðferðin í lið 3.2.3 gildir um, þá verður tæknisamþykkið að byggjast á þeirri málsmeðferð.

3.2.5. Áður en samþykktarstofa veitir evrópskt tæknisamþykki sendir hún uppkast að því ásamt gögnum umsækjanda til viðkomandi EOTA-stofa og til aðalskrifstofunnar og skulu þær svara innan tveggja mánaða.

Samþykktarstofa veitir evrópskt tæknisamþykki þegar allar viðkomandi EOTA-stofur hafa skriflega lýst sig sammála því með hliðsjón af þriðja málslið 2. liðar II. viðauka tilskipunarinnar.

Evrópsku tæknisamþykki er dreift í samræmi við lið 3.1.2.

Ef ekki tekst að leysa vandamál eru þau sett á dagskrá hjá tækniráðinu.

(¹) Þar til bærar EOTA-stofur: Stofur útnefndar af aðildarríkjunum til starfa á því vörusviði.

Ef samstaða næst innan tækniráðsins veitir samþykktarstofan evrópskt tæknisamþykki.

Ef samstaða næst ekki er málið sett á dagskrá hjá framkvæmdanefndinni og tekur hún ákvörðun um frekari aðgerðir.

Ef samstaða næst ekki innan framkvæmdanefndarinnar skal málinu vísað til fastanefndar um byggingarmál (2. mgr. 9. gr. tilskipunarinnar) í gegnum framkvæmdastjórn EB.

4. Afturköllun á evrópsku tæknisamþykki

4.1. Samþykktarstofa skal afturkalla evrópskt tæknisamþykki ef framkvæmdastjórn EB hefur sent tilkynningar samkvæmt 1. mgr. 5. gr. tilskipunarinnar.

4.2. Samþykktarstofa skal greina öðrum EOTA-stofum og aðalskrifstofunni frá afturkölluninni. Aðalskrifstofan kemur boðum til framkvæmdastjórnar EB.

5. Breyting á evrópsku tæknisamþykki

5.1. Sækja skal um breytingu á evrópsku tæknisamþykki eftir venjulegum leiðum.

Umsóknin skal send samþykktarstofunni sem veitti upphaflega samþykkið.

5.2. Ákvæðin í liðum 3.1 og 3.2 gilda í þessu sambandi: Afgreiðsla umsóknarinnar nær aðeins til þeirra atriða sem snerta breytinguna beint.

5.3. Veitt er nýtt evrópskt tæknisamþykki sem kemur í stað hins gamla.

6. Framlenging gildistíma

6.1. Í samræmi við 4. mgr. 8. gr. tilskipunarinnar má framlengja gildistíma tæknisamþykkis (almennt) um fimm ár, að því tilskildu að framkvæmdastjórn EB hafi ekki tilkynnt viðkomandi samþykktarstofum og/eða EOTA-stofum að skilyrði sem upphaflega samþykkið hvíldi á hafi breyst.

Umsóknir skulu vera skriflegar og berast samþykktarstofu í síðasta lagi sex mánuðum áður en gildistíminn rennur út.

Ákvæðin í liðum 3.1 og 3.2 gilda í þessu sambandi.

6.2. Umsókn um framlengingu skulu fylgja tilskilin tæknileg gögn samkvæmt viðmiðunarreglum um framlengingu evrópsks tæknisamþykkis. Ef slíkar viðmiðunarreglur eru ekki til mun samþykktarstofa, að höfðu samráði við EOTA-stofur, kynna umsækjanda hvaða tæknilegu gögn hann þarf að leggja fram.

6.3. Slíkar framlengingar eru á ábyrgð stofunnar sem veitir þær og afgreiðslan á að vera eins ítarleg og við upphaflega matið.

1. VIÐBÆTIR

UMSÓKN UM EVRÓPSKT TÆKNISAMÞYKKI, SAMANBER III. KAFLA TILSKIPUNAR RÁÐSINS 89/106/EBE

1. Umsóknin er send til:

(Heiti tilnefndu samþykktarstofunnar samkvæmt 10. gr. III. kafla í tilskipun 89/106/EBE).

2. Umsækjandi:

(Framleiðandi eða löglegur fulltrúi hans með staðfestu í bandalaginu; ef umsókn er lögð fram af fulltrúa með staðfestu í bandalaginu þarf umboð framleiðanda að fylgja með).

3. Byggingarvörutegund:

4. Vörumerki eins og það verður í tæknisamþykkinu:

5. Skilgreining á byggingarvörunni og áætluð notkun:

(Fylgiskjöl skal senda með umsókninni, sbr. lið 2.6 í sameiginlegu verklagsreglunum um umsóknir, gerð og veitingu evrópsks tæknisamþykkis).

6. Framleiðslustaðir þar sem byggingarvaran verður framleidd:

7. Yfirlýsing umsækjanda:

Ég lýsi yfir hér með

(*) - að ég hef ekki sótt um evrópskt tæknisamþykki fyrir byggingarvöru sem um getur í liðum 3 og 4 til annarrar EOTA-stofu,

(*) - að ég hef sótt um evrópskt tæknisamþykki fyrir byggingarvöru sem um getur í liðum 3 og 4 til

.....
(nafn hinnar EOTA-stofunnar)

Sú umsókn var ekki samþykkt.

(*) Krossið í viðeigandi reit.

(staður og stund)

(lögleg undirskrift)

2. VIÐBÆTIR

(Nafn og heimilisfang viðurkenndrar samþykktarstofu)

STAÐFESTING Á MÓTTÖKU UMSÓKNAR UM VEITINGU EVRÓPSKS TÆKNISAMÞYKKIS SAMKVÆMT TILSKIPUN RÁÐSINS 89/106/EBE

1. Umsóknin sem er send af

 og dagsett.....

(dagsetning umsóknar)

um evrópskt tæknisamþykki fyrir byggingarvöru

.....

(sbr. liði 3 og 4 í umsókninni)

er hér með samþykkt og afgreiðsla umsóknarinnar hafin.

2. Afgreiðsla umsóknarinnar fær eftirfarandi tilvísunarnúmer:

3. Afgreiðslan byggist á:

- eftirfarandi lagaákvæðum:

 (lagaákvæði sem hafa verið tekin upp í innlenda löggjöf vegna tilskipunar ráðsins 89/106/EBE)
- sameiginlegum verklagsreglum um umsóknir, gerð og veitingu evrópsks tæknisamþykkis,
- (viðeigandi ákvæðum samþykktarstofu, samþykktum, samningstextum eða því um líku, þar sem þess er krafist).

4. Kostnaður við afgreiðslu umsóknarinnar er ákveðinn á grundvelli:

(taxtar, lagaákvæði eða önnur ákvæði sem gilda um samþykktarstofuna (með tilvísun))

.....

(staður og stund)

.....

(lögleg undirskrift)

